



信札  
1009  
16-13





門 1 管 4  
號 1009  
卷 12-13

笙  
尹  
詞  
田  
卷





笙

同治壬申十月  
杭州開雕

卷

時則顛穹激鮮涼波蕩涵明月千里倡婦樓頭離笛三  
秋西風江上王子於是悅縹渺之魂發徘徊之曲美人  
獨立參差誰思鶴骨不肥如翕子晉銀河無景疇箋玉  
谿水調百篇笙月一卷抑何玲瓏其聲激昂善變與夫  
采詩入樂無詔伶人按譜填詞豈云小技子夜讀曲之  
變勞人思婦之遺致兼情文雅備比興世有作者前無  
古人庶尚友夫風騷乃吐音於令慢溺志閨幃之內應  
求尊俎之間刻畫微物以夸多雕琢曼辭以取悅閱達  
大雅蓋無取焉王子之詞儲體於絜結想斯遠文外獨  
絕子懷信芳可謂古瑟未拌洞簫作謚者也僕攤鼻洛







生淺霞 妝成添鳳餅 麝煖房 櫳靜繡 樣畫芙蓉倩 郎  
調粉紅

迷藏懶逐檀奴戲 呀綾小譜紅牙理 人倚杏花樓 珠簾  
半上鈎 雲藍雙袖小 猶怯春寒峭 殘炤柳棉飛 銜香  
燕子歸

法曲獻仙音

秋日偕孫鏡泉 寶森 丈至興教院禪喜竟日有

懷詩僧心香 宏與 上人

徑款濃青門 縈淨碧清絕 白雲僧院窺 竹簾疏韻花馨  
小禪房最宜秋 淺正烟裊迴廊外 冰甌潑涼薈 聞吟

徧貝多牋 綠梅詩卷 屯香手書梅  
花詩留院中 悵當日廬山社 蓮人

散徙倚舊經牀 愛木樨一樹香 倩聽徹齋魚好 趁取菱

肥蕪 軟待鐘聲相送十里蟾光湖而

虞美人

石門夜泊

阻風中酒 心情惡 往事思量著 琵琶聲斷小樓空 只有  
三更街鼓五更鐘 溫香吟徧 消魂句 誰作天涯侶 起  
來無語倚蓬窗 月墮幾層烟 水白茫茫

峭帆風裏 眠難穩 紅飈孤燈影 不知今夜夢如何 偏是  
春來夜短 醒時多 打篷幾陣瀟瀟雨 抵死將愁絮 羅



簾戶詞 卷一 二  
袞裯偏枕函單又是柁樓人語說輕寒

菩薩蠻

寶帶橋作

烟波小舫平于屋畫衫掩冉鸚哥綠壓鬢一枝斜櫻桃  
雙朵花紅橋迷柳絮瞥向花深去著眼未分明空聞  
笑語聲

臺城路

泊陽羨有懷陳迦陵

惹花風軟吳波小來尋柳邊城邑絮撲虹橋苔鋪蝶路  
簌簌落紅誰惜綠陰似織問燕子誰家髯仙舊宅一角

高樓夕陽曾倚紫雲笛江邊鳥聲喚徹喚詞魂不醒

江影空碧我亦能狂公平何處踏徧春烟雙屐青帘林  
隙且泥飲梨花醉眠壚側細雨飛來袖痕和酒溼

摸魚子

鳩茲送錫疇家叔旋里

悵江頭斜陽如夢烟痕釀就深暝輕裝出沒垂楊外飛  
絮其人無定雲樹迴又添得銷魂別淚征衫瑩一帆遠  
影想此去鄉關鏡湖春水鷗鷺迂歸艇還重省料得  
房櫳宵靜天涯定憶孤另白頭慈母憑相慰爲道行人  
安穩關心聽聽隔岸鶉啼春已荼蘼近明朝酒醒怕旅



館風寒江南江北花落雨聲緊

金縷曲

臬磯靈澤夫人祠

野廟烟痕沍悵年年蒼苔玉座魚龍拜舞十萬明珠飛  
急浪步障分明深護應記得劉郎前度歌吹江東花月  
夜壓銀燈寶劍秋霜吐三分業那堪數 同歸辛苦江  
關路更無端吳雲蜀雨一般笳鼓兒女英雄何限恨千  
古濤聲猶怒看隱約靈旂飛渡霧鬢風鬟誰是伴只小  
姑山影橫眉嫵天慘澹落霞暮

鷓鴣天

自鳩江至宛陵二百里水木明瑟墟落清曠寫

以二解

一路輕烟護短帆幾叢疏樹點溪灣斜陽道出羅羅水  
細雨妝成翦翦山 雲意懶櫓聲閒柁樓鷗語送微寒  
水荇花瘦秋灘靜風起蜻蜓墮釣竿  
溪畔誰驚白鷺羣野翁支杖看溪雲十家秋柳成村落  
五尺殘荷掩寺門 茅屋外稻畦分田孃漁婦盡紅裙  
花梢一角書樓小散髻兒童讀魯論

水調歌頭

八月十四夜登太白樓月色萬里振衣欲仙叩



關浩歌山水俱應

萬里碧空淨舉酒倚危樓樓中謫仙已去古月影長留  
我欲手持綠玉直上廣寒宮殿笑酌紫霞甌爛醉捉寒  
兔騎作玉花虬天風起羣真集鶴翎脩乘雲何處汗  
漫五岳縱清游安得凌風蹋臂一夜鏡湖飛渡照見鬢  
毛秋拍手唱天姥怒鐵叫龍湫

清平樂

為張別駕題畫冊

玉階苔繡燕啄雙紅豆架上銀鸚春也瘦還認烏巾否  
曲瓊影閃胭脂可憐香細于絲小雨無人庭院櫻桃

過了花時

疏影

出宣州北門水石蕭瑟問梅堯臣故墅無知者  
晚歸登謝元暉北樓倚檻乘興發此清響

林迴徑複趁碧天雨霽野色新沐粳稻香中吠蛤聲聲  
筍鞵踏徧烟綠水西何處詩人宅但滿目疏花涼榭更  
斜陽雁背馱來紅寫幾家秋屋獨自行吟歸也孤雲  
帶粉蝶斜傍山曲卻被天風吹上危樓調徹腰間橫玉  
餘霞如綺江如練悵五字新詩誰續漸暮笳飛滿江天  
燈火依微林麓



念奴嬌

鳩茲江樓遠眺

臨風倚劔若悲吟驚起魚龍酣睡放眼乾坤多少恨消  
 得尊前一醉莽莽頽雲滔滔怒浪不盡英雄淚江山如  
 此伯符志業難遂 遙想邊徼妖氛征西羽檄大合貔  
 貅隊落日黃沙塵戰地白骨又添新鬼時粵賊滋事官軍屢戰不利  
 萬里提戈千金買馬擬刷焉支壘憑闌搔首一行秋雁  
 飛墜

前調

送張明府之官溧水是宋周美成作令地署中

姑射亭遺址尙存片玉所載隔浦蓮諸闕作令  
 時所譜也

臨流笳蓋向蔣山山外斜陽欲發舊是風流爲政地何  
 限水迴峰疊姑射亭荒浦蓮聲斷雲影浮空碧詞仙何  
 處落花風起如雪 惆悵六百年來清真雅調已是成  
 消歇君去江城剛柳暗細雨啼鴉時節衙鼓宵閒訟堂  
 春靜笛語紅兒覓一聲清唱吟魂飛下涼月

菩薩蠻

曲瓊波影愁千疊無情征雁催人別殘炤柳絲低船停  
 花步西 歸期還預約玉筍垂紅頰門外是江流吳山



幾點秋

錦書緘碧迴鸞紙相思訴盡珍珠字紅淚粉湫痕難將  
寄與君 書完蓮漏咽小顆燈花結花月鎖鴛鴦今宵  
好夢長

玉璫乍到天涯信塞鴻報道歸來近臨發又遲回知他  
歸不歸 歸期看已準翠被眠難穩生怕夜來寒秋風  
江上船

浪淘沙

席上有贈

寒細漏迢迢好個良宵絡珠腰鼓紫瓊簫唱罷帶人嬌

一曲月銜花梢 倚醉索紅綃何處魂銷儂家妝閣水  
西橋橋外柳陰通小徑一道裙腰

女冠子

粉澹螺輕對鏡不施金鈿臉波明蓮蕊簪冠小梅花繡  
帔青 朝眞開玉殿拜月出瑤扃還把來生願祝雙星  
虞美人

催花休怨東風惡花總年年落留春無計奈春何我自  
傷春心事比人多 媽紅洗盡鶯聲少簾罅寒猶峭枝  
頭梅子欲黃時又是釀愁天氣雨如絲

夢橫塘



願湖廿四堆爲南宋葬宮人處偶尋往跡愴也

成吟

零花鬢雨澹柳描波夕陽紅墮烟澹禁得銷魂只幾個  
粉奴來去金縷餘香珠簾春夢杜鵑猶訴似玉鉤斜畔  
亂絮濛濛重到了雷塘路東風枉自多情鎮吹得苔  
痕綠徧平楚可有羅裙向月下珊珊微步流不盡深宮  
舊恨嗚咽江聲夜深語望斷君恩但青青草色伴冬青  
一樹

明月生南浦

雨後舟行秋容婉媚

小雨初收芳草徑綠漲溪橋紅漾斜陽影兩兩沙鷗秋  
夢穩蘋花香遠江波冷山寺鐘聲風送近何處清歌  
烟外搖漁艇新月欲來雲卷盡歸鴉幾點川光暝

虞美人

人間不信良宵有燈暗眉峰縐脂倻粉慙度華年腸斷  
腮邊紅淚未曾乾夢痕花月筠絲繞誰禁人濃笑夢  
中可奈話相思也是淒淒楚楚別離時  
玉階草色青如帶鞦印依稀在薔薇架倚繚垣斜卻似  
茜羅裙上折枝花花梢風起輕寒逗新月嬌于酒下  
簾怕睹舊闌干早又燈黃香瘦上更天



點絳脣

由郭西返草堂秋陰半開湖色一碧飛雨忽墮

花涼欲烟叩舷歌之孤遂裊裊若相和也

鴨綠平溪幾株疏柳搖風縷沙禽飛去滿棹菱花雨

橋轉山迴林密秋聲聚人何處樓依桐樹一蓬烟中語

水龍吟

秋海棠用碧山韻

臘支薄暈瓊腮晚妝乍破秋孃睡工愁善媚嫣然態度  
餘芳怎比獼髓香寒鴛簪粉澹哨涼初試儘風禁露怯  
檀心一點無人解消魂意 應羨玉環沈醉護春雲倩

妝扶起自憐悄影迴廊寂靜閒庭如水亂蟀聲悽新蟾  
暈瘦淺紅闌底怕宵深雨滴真珠流不盡相思淚

應天長

嘶蟬徑改冰簾杳梧葉滿階誰為掃迴廊抱人聲悄一  
抹斜陽紅自照 倚闌風裊裊愁更多于秋草牆角海  
棠花可憐開瘦了

暗香

踏月獨歸歌此破寂

裊腰襯步謝素娥伴我循隄歸去喚起睡鷗欲與盟心  
不知處誰把參差弄徹渾欲和清歌菱渚燈半露花外



溪樓簾影澹秋語 涼色靜如許更翦袖水風逗人吟  
緒蟲孃未老多情瓜架鎮相絮行過橫橋仄徑聽簌簌  
竹聲如雨家近也剛拾得一囊瘦句

清平樂

三更時候燈暗衾兒縐月透瓊絲花影瘦此際消魂知  
否 東風幾陣輕寒溫香翠被重添管取明朝風哨囑  
郎休放歸船

臺城路

庚申八月二十一日記事

綠牙屏畔紅鸚母聲聲只將愁說粉陣排鴛釵圍簇燕

韻事頓成消歇銀泥畫箠記題徧新詞酥搓翠擷醉擁  
如花麗譙更鼓幾通徹 自憐花底夢蝶一從驚醒後  
夢也難覓舊日蕭孃楚腰減盡忽地重逢愁絕西風似  
咽嘆象尺薰爐伴人凄切話到消魂淚痕雙袖裊

前調

秋江打槩涼色可人花步樓痕綺年夢影閒愁  
偶觸不能無詞

鏡波一雨新揩淨斜陽瘦入蘋蘩淺翠涵鷗疏風送雁  
古柳澹拖涼色陂塘畫楫愛笑雛鬢瓜皮船窄菱葉  
田田倩花香小點秋碧 晴巒描出黛筆晚雲妝點就



螺影如櫛一角紅樓雙扉白板寂寂半林斜日樊釵舊  
宅記索果分茶綺朝羅夕帟悵無人鷺鷥當戶立

南樓令

燈暈暗幢幢西風透玉窗甚秋來愁比更長憶著小紅  
樓畔月人未睡炙銀簧宮鬢戴花黃佯人笑語香悵  
良宵一樣秋涼漫說而今無好夢便有夢也荒唐

昭君怨

同孫彥清

德祖 鏡鬟樓作

簾外木樨香逗簾內秋蘭花瘦花底臉波明按秦箏  
莫把秦箏頻按試聽麗譙更點半臂峭寒侵覺宵深

麝冷鴨鑪嬌睡花墮鳳檠紅碎粉月上紗窗枕屏涼  
薄醉暈霞雙臉爲問情深情淺匿笑倚薰籠戰釵蟲

相見歡

芙蓉江上人家掩文紗依舊一層秋水一層花 人何  
處花無語夕陽斜卻羨征鴻飛得到天涯

小梅花

戲效賀東山體

射雕手吟詩瘦勸君更盡一杯酒奪錦袍舞寶刀暗鳴  
叱咤亦足以自豪人生識字憂患始安能鬱鬱久居此  
卧牛衣泣路岐讀萬卷書不及屠沽兒 誰家子樂忘



死是亦妄男耳爛羊頭關內侯安用毛錐行嘆復坐愁  
人世難逢開口笑天若有情天亦老數擊鮮酒如泉拍  
手高歌且盡今日歡

齊天樂

蓬萊之麓沈氏小園為外大父香巖先生吟息  
處自詩人老去漸就蕪矣暮秋偶過不禁慨然  
譜此書亭壁

一樽來覓寒林句西風正吹僵蝶烏宿塵移蛛懸茜戶  
庭草青青如髮闌欹檻折牘篆石鋪烟錦紋猶纈半晌  
低徊幾星涼蘇上秋屨東鄰短笛誰摩卻撩人感舊

無限凄咽老輩風流名園嘯傲舊事長髯能說而今盡  
別便柳澆花培也成消歇一樣斜陽但蕭蕭落葉

月下笛

壬戌之冬避亂居松溪鄰有善吹笛者每漏深  
人靜輒作數弄其音淒厲如哀湍瀉石脫葉戛  
霜窈鶴寒唳枯猿悲嘯時或風號雨泣四望如  
墨悄焉發響又如荒俵孤啼旅鬼宵泣屋角老  
鴉磔磔欲起足使聞之者浩然而嘆愴然而悲  
矧在患難何以堪此是夕寒蟾如雪笛聲又作  
遂成此解



何處飛來或徐或疾哀音拖逗更深時候西風正送寒  
 漏非關一曲山陽感也非怨玉門楊柳儘嗚咽咽被  
 他吹得月痕都瘦 曾倩樊孃口在小曲幽坊玉龍低  
 奏漁陽鼓驟良宵只有笳吼者般淒斷真無賴剛惹我  
 淚沾衫袖知誰某撼琅玕不是纖纖素手

念奴嬌

酬傅孝澤 作楫 見贈用長公赤壁韻

黃塵慘澹莽江山何處舊時風物十載江邊飛戰血汗  
 了東南半壁狐社秋鳴狼星夜動一片刀如雪義旂忽  
 樹風雲催起豪傑 知爾橐筆從戎幕中草檄鬱列雄

詞發我亦劍鋒秋水拭磨得星文都滅對酒空豪請纓  
 無路霜染潘郎髮蒼茫此意知人惟有明月







細風尖 綫絲疏柳吟邊渾不奈涼波暮烟雲比愁濃  
鷗如人瘦漠漠江天

臺城路

東皋

平橋殘雪陂塘外斜陽也如人瘦野曠烟橫村孤水帶  
啼徹樹頭鴉翼青帘香逗愛江店梅花幾枝春繡小火  
紅爐有人閒絮瓦甌酒 溪山都是劫後那堪重說起  
離亂時候萬疊戈船千林劍樹是處兩軍曾鬪松濤響  
驟聽猶似當年怒笳聲吼江影蒼茫峭風吹斷柳

減蘭

孤衾紅縐一絲涼夢和秋瘦夢少愁多細數征鴻度玉  
河 聲聲風葉三更漏了疏林月月上簾紗照見銅餅  
雙朵花

邁陂塘

夜檢舊篋得了仲泉

汝謙

學博去秋見寄詞感

次其韻

記銜杯悲歌脫帽九天飛下風雨文章縱有昌黎筆造  
化須知難補年未暮儘心血嘔乾換得驚人句呼天問  
取問天既生才如何無命天曰莫非數 前番約訪戴  
同移秋艣畫溪遙認紅樹 約同訪秋伊 銀鈎賸有蠻牋



在愁唱梅邊琴趣相爾汝只夢裏重逢蹋臂同延伫待  
澆綠醕把一曲新詞兩行痛淚寄向九原去

壺中天

雪後偕孫子九

孩

蔡季珪

以幣

曹文孺

壽銘登

倚稼樓

凌風雙槳約酒人幾個來看殘雪花外高樓樓下水水  
上迴嵐數摺拂檻颿聲撲簷波影斜照明還滅卷簾長  
嘯紫裘吹起橫鐵 何處喚下飛仙舉杯相屬同把瑤  
牋拂卻憶故人曾掃榻 汪韻珊曾假榻是樓今歸道山矣 側帽閒吟清  
絕我輩重登湖山無恙鷗鷺迎詩屨水雲如夢倚樓唱

出寒月

高陽臺

與彥清宿城西寓樓風寒漏永炯不成眠彥清  
擁衾話舊事余亦得此詞所謂卿言愁我始欲

愁也

背月邀愁絮燈索夢近來越覺銷魂莫問仙山五雲樓  
閣揚塵年時一串珍珠淚賸斑斑麝帕猩痕思難禁枕  
畔鈿釵掌上羅裙 吳綾重展崔徽卷尚鳳衫漬粉蛾  
黛含顰脈脈無言相逢花下開門黃藤酒冷紅酥香便  
銜杯有甚溫存怕吹笙庭院誰家花影黃昏



虞美人

內子憂貧頗甚譜此贈之並以狂言解之

玉釵拋卻朱顏換清絕梅花伴羅紈典盡舊衣裳賸得  
嫁時黃竹女兒箱一燈風雪蘆簾下幾度酸辛話年  
來艱苦只卿知不識今年鹽米怎支持  
詞華屈宋才班馬是豈長貧者他年富貴不相忘我本  
三生蓬島舊仙郎語卿且把眉頭解况更春回快梅  
花開過杏花開報道東風次第草堂來

望江南

宣州為江南勝區燕江尤繁麗有小秦淮之稱

余舊游地也兵火頻年鴻印如夢去冬退叟以  
長君抱疴采藥宛陵使回述荒涼之狀雨夜不  
寐偶憶其言倚聲譜之

江南路其奈亂離何終日纔逢孤店小長途惟見亂山  
多寂寂少人過  
當時跡一例變荒邱蒼榭難尋梅氏宅青山空憶謝家  
樓落日古宣州  
村烟少風瘦日淒淒紫蟒曬鱗當道卧黃狐銜骨逐人  
嬉無處覓羈棲  
山邊路薄暮斷人行破戍風腥偃哭月荒祠雨黑魅吹



燈此景幾曾經

寒烟互棘刺礙衣裳  
茆舍黃欹新馬驛  
蕪畦青覆舊箏堂  
花月冷春江

江頭望冷月不成  
丸濁浪崩沙  
雙岸斷破樓支雪  
一燈寒亭閣盡成烟

摸魚子

偕退叟文孺峴子過小南塘館晚宿馬幼肩

良鷗水堂

悵連番瀟瀟愁雨試燈過了佳序朝來漸覺東風暖吹  
得嶺雲如絮芳草渡約小艇尋詩十里橫塘路斜陽未

暮愛牆角官梅梅邊淺水紅雪點眼鷺  
還如仁料理酒鎗茶具嫩寒譜就新句春波隔岸青山外更有溪堂  
鷗侶須小住儘紫笋黃魚翦燭簾深處今宵休去待粉  
月盈廊明星帶屋花影伴涼語

虞美人

雨夜

冰簾搖碎銀燈影簾外東風緊銷魂只怨雨聲多便是  
今宵無雨待如何金尊未飲眉先縐愁更濃于酒峭  
涼時節釀花天消受者般滋味已多年

百字令



娛園月夜有懷彥清西湖之游

東風如水把月痕洗得十分明淨一角園林如此好何  
 况西湖烟艇澹柳樓臺涼鷗世界畫爾翩翩影醉吹怒  
 鐵萬花宕破香暝安得蹋臂高寒江山寂歷同鼓尋  
 詩興解向瓊樓歌水調我亦生平疏勝散髮天風舉頭  
 碧落孤鶴聞人警湖心亭上一尊呼墮冰鏡

金縷曲

聽退叟話秦淮舊事

往事都縈抱渺飛鴻幾多瓜印不堪重到小閣丁簾桃  
 花水一片模糊烟草休再問鈿蟬金鳥惆悵冰窗燈暈

裏似淒涼白髮談天寶街鼓咽夜寒峭俊游兩度吳  
 舫小儘消魂石城絲柳故宮殘照話到青溪笙歌夜此  
 老偏多風調道佳麗雙眸曾飽我欲尋春飛好夢奈春  
 風不似當時了蟲切切寸心悄

減蘭

娛園四時詞秦秋伊

樹鑑屬譜

娛園春早簾外東風鶯啾曉花影層層紅到闌干第幾  
 稜迴廊前後一帶粉牆烟鎖柳芳徑泥新燕子飛來  
 不避人

娛園長夏一徑槐陰涼綠亞冰簟疎簾團扇風前蝶夢



圓 棋聲庭院斜日簷管紅影亂月挂林隈卷幔荷香  
上枕來

娛園秋好開過木樨菱葉老白白黃黃紫竹花屏六曲  
香 分明畫稿涼雨枯荷鷗點峭石銚松風小火新添  
落葉紅

娛園冬日寒翠半尖亭一笠何處香來笛外梅花幾樹  
開 同雲漠漠楫地爐紅小閣微雪黃昏知有扁舟  
乘興人

金縷曲

歌者月孌舊以色藝擅名秋日重遇於湖上秋

孌老矣宛轉蕉萃殆不勝情余亦感歡游之不  
再慨華年之虛擲羅隱白玄雲英未嫁歛歛巾  
對情見乎辭

鶯老西風緊卸秋帆水西門巷落鴻成陣舊口花枝都  
瘦損何況花邊人影又何况多愁多病道罷勝常重促  
坐縱楊枝蕉萃猶堪認料不是夢中境 天涯蹤跡誰  
相問悵年年釵盟鈿約都無憑準老大飄零君莫怨留  
得可人風韻還勝我青衫薄命十載名場仍落魄漸霜  
華上了安仁鬢英雄淚清君搵



背燈花倚疏枝依約楚腰支十年前事五更殘夢一枕  
相思 卻憶香階行剗被良宵靜沒個人知玉甌開後  
畫廊深處明月圓時

陂塘柳

花浦書悼

渺湖波疏烟古柳西風作去盡淒緊赤闌橋畔傷心路  
依舊晚山眉暈行漸近怪小犬籬根空吠孤帆影牆低  
蠟粉賸一樹斜陽梅花如雪猶照舊門徑 從頭省幾  
度銀鸚呼醒春嬌還帶紅印荒園三尺芙蓉塚贏得淚  
珠酸迸癡心問問錦鞮珠衫可有重來信黃昏人靜料

快月香魂霜簾倚徧翠袖伴花冷

臺城路

寓園弔祁忠敏公

溪流不盡孤臣恨年年似聞嗚咽荆棘駝眠山川龍戰  
想像悲歌當日名園花石自故國春歸都無顏色草草  
興亡一聲山鳥暮雲裂 清池照人自碧老蛟寒不睡  
猶墮珠泣鶯館烟淒梅收月黑試鶯館梅坡  
俱園中勝處可有精魂  
宵出我來長揖問誰薦黃蕉荒祠落葉百八蒲牢峭涼  
秋寺夕

湘月



由郭西至水石莊訪秋伊月上始歸

平鋪鷗漲碾雲藍渲出細岑浮巘十里長  
干渾畫燈嬌殺夕陽紅閃烟際漁榔柳陰  
錫鼓響徹東風輕息香蔣嫩陂塘新綠  
如翦卽漸野氣含青山痕凝紫暝色蒼  
然遠春樹四圍詞客宅容我水西門欵  
筠館傳燈笋盤醉月不放冰甌淺夜涼  
人散粉廊花影低轉

點絳脣

之官長山舟出郭西小泊夕陽飛絮烟波渺然

一帶紅橋酒旂飛絮垂楊郭停帆小泊惆悵成孤酌  
烟水茫茫江戍斜陽薄東風作桃花亂落花外人吹角

浪淘沙

穀水記事

流水送紅簫更漏迢迢花陰香鎖柳絲條  
花底鶯聲花外月如此良宵一曲殢人嬌  
泥醉銀蕉江南休憶短長橋無奈曉星殘  
角裏獨上蘭橈

虞美人

驛號雙溪客停孤棹雪泥偶印花月可人卽事  
言情當令香口稚鶯宛轉於遠山碧水間也

茜羅裙映江波綠愁譜參差玉畫溪名字亦成雙  
因恁者般年紀尙無郎銀燈歌舫良宵午誰是司勳杜舵



樓斜月一聲雞驚起鴛鴦飛過驛門西

西華貂裘換酒

荒署宵寒獨影寡緒憶儔昔之狂游戀琴酒之

近局今雨舊雨系我懷來走筆譜此為諸子問

酒滿春衫褶記連翩五陵年少人如驚蝶黑月呼燈騎

快馬那管珊瑚鞭折總走向綠楊橋側百道春雷喧羯

鼓寶釵樓醉拓黃金戟此情狀恍昨日年來洗盡狂

奴習有梅花松朋竹友歲寒盟結繪雨雕烟吾甚樂吟

得水雲都碧更無奈催人啼鴉卻恨飢來驅我去為微

官一例成離別君須念薄游客

踏莎美人

月夜

燈閃蟲紗風攬鳳笛黃昏月映迴廊碧十年前事費尋

思正是櫻桃花底乍來時闌角青鞋苔窠紅屐天涯

何處將愁覓雪獮撼動畫簾垂聽作珊瑚鉤孤響玉釵兒

邁陂塘

魚步阻風時七月八夕

甚空江聽風聽水客中淒斷禁盡幾行新雁沙汀外來

報天涯涼信人聲靜只碧葦烟中絮語秋蟲緊漁家門

徑羨占得蓴鄉都無人妬鷗鷺伴眠醒波如鏡漸覺



羅雲揭淨月梭挂上松頂花甌酒椀船頭坐自信生平  
疎俊銀河近料今夕雙星一度添離恨客懷孤另儘野  
笛催吟橋燈逗夢香露沁詩影

前調

小雨初過出湧金門至隄上嫩烟拖碧微波翦  
涼頰陽在林箏舫漸集衫痕釵影俱入畫中  
灑漁衫涼珠數點湖雲片片收盡蕘烟熨作吟牋碧飛  
上催詩香韻歌欲靜趁一縷溪風柳外禽聲緊斜陽滿  
徑又繡舫移來冰絲細裊秋淺藕花醒 天涵鏡芳溼  
晚波指淨蝶痕涼墮花頂粉驕金犢人微醉爭說者番

游俊黃昏近悵釵玉聲遙一晌添閒恨船孤笛另賸幾  
杵疏鐘半輪小月月底翠鴛影

疏影

經松木場尋白石老仙讀書處遂至孤山巢居  
閣玩石刻小像卽依其自度腔詠梅韻

丰裁似玉想閒雲不定野鶴同宿花外詩瓢鷗外吟笻  
狂歌按徹橫竹烟波何處當時跡尙隱約石函橋北儘  
漁榔敲墮斜陽不醒吟魂幽獨 留得孤山山畔畫圖  
一片石蒼蘚凝綠詞客衣冠野客鬚眉寂寂水邊林屋  
翠禽啼上苔枝也又恰似小紅新曲把一尊細酌梅花



笙戶詞 卷二 二  
擷取春風橫幅

浣溪紗

綺女寄近詞頗婉麗有致喜依其韻

怯葉娟莎一院幽曉痕都向卷中收玉羅牋紙小銀鈎  
知汝開簾呼阿妹冰文簾底對梳頭黃花無語伴吟  
秋

桂枝香

偕李蕤客

慈銘

登梅山遂至廣覺寺謁梅尉象

涼波瑟瑟愛渡口山光渲就叢碧幾疊白雲似畫翠烟  
如織疎林何處前朝寺映清溪紺垣蘿鬩桂花香裏西

風裊裊鐘聲飛出 問往昔遺踪誰覓有一掬寒泉深  
護闌石仙尉衣冠千古高風堪挹夕陽黃葉祠堂樹尙  
依稀漢苑秋色蒼茫古殿佛燈上也空山人寂

上江紅

十月十四夜作

小舫迎來風悄悄黃昏人寂分明記晚妝重試鈿蟬金  
蝶翠袖珠燈梔子酒銀屏粉月梅花遂把麝塵添玉絲  
篝羅幃側 猩帕怨蘭襟泣鴛翼夢鴻泥雪算消魂情  
事鸚哥能說指印紅銷笙葉瘦唾痕春澹茸衫碧更麗  
譙寒角訴當年人離別



前調

贈吳門舊眷同彥清  
 眾裏相逢正簾卷梅花如雪渾卻似歸來燕子舊曾相  
 識翠鬢全拋金縷鳳素裙不畫銀泥蝶只低頭一笑尙  
 依然玫瑰鬢 悵轉眼三年別愁千萬心如結把雁行  
 箏柱殷勤重拂江上離情楊柳兩星前密誓鴛鴦月待  
 黃昏燈炮没人時從頭說

霜天曉角

窗紙如銀是霜痕月痕容易曉風起也又庭葉下紛紛  
 殘燈紅欲昏被池寒不溫不信人間好夢都付與玉

樓人

Blank manuscript area with vertical lines.







卷三  
一  
桃花褥 翠風粉嫩湘蓮肉 鈿榻畔 擎來小玉驚醒卻  
迴眸 錯怪敲簾竹

右午睡  
含嬌斜背銀窗影 怕鸚鵡雕籠睡 醒悄地 注蘭湯 紅漾  
紗巾冷 圓冰窗外明于鏡 掩寶袿 雲鬢重整 茉莉透  
衣香 多事薰宮餅

右晚浴

瘦花屏影涼如雨 把麝顛搗殘 香杵無睡 倚熏籠 紅悄  
秋燈語 夢魂難逐 征船去 重記起 開帆打鼓 手弄玉  
搔頭白似檀郎塵

右夜坐

八寶妝

玉簪花次彥清韻同陶紫珍 方琦

昨夜霓裳徵法曲 月殿舞倦 寒簧髻雲鬆了 飛溜一捻  
脂香 碧玉闌干秋淺 淺粉痕嬌 碾鈿頭涼細 端詳海棠  
睡起 剛助新妝 記得水精簾卷 儘纖纖 摘得挑並蟲  
梁約鬢瓊酥 花底誰鏤 鴛鴦瑤階 依舊如水 愛露點珍  
珠宵漏長 休敲損 早荔牆低處 悄立薇郎

探春

湖樓秋感



笙月詞 卷三  
欸月廊虛闌風幄遠更深睡魔何處一種離懷十年舊  
事此際秋心誰訴况幾分病體又添上幾分淒楚無端  
併作去銷魂那更露蠶聲絮空記那回共語宵靜也  
涼沁朱樓猶理簫譜翠樞呼鸚玉河聽雁依舊幾通街  
鼓簾影重重護只少了燈前花步夢也難成說甚五雲  
深阻

大江東去

題彥清寄龕詞卽送北上

蛤蜊斗酒向雪窗燒燭讀君長調恰值梅邊吹笛罷飛  
上凍雲香峭前度鶯聲去年人面此意憑誰曉江南烟

柳杜郎消受多少更上水畔高樓銅絃拉襍浪湧魚  
龍覺極目江鄉春到也不及鳳城花好衣上東風馬頭  
明月隨爾長安道紅牙倩按佳人自古燕趙

永遇樂

北郭玉帶橋是往年官軍率蕃部攻粵寇處

禿樹平橋蒼茫岸幘暮色千里螺髮蠻裝狼機颺火曾  
此屯千騎陣雲如墨怒雷飛破報道將軍戰死徧江頭  
濤崩霧卷血花射得天紫而今放眼烟沙莽莽猶繞  
鷗邊殘壘壞岸斷戈寒流墮戟應化蛟龍戲西風野廟  
蒲牢百八險把英魂喚起低徊處斜陽紅黯亂鴉聲裏



淒涼犯

王菽畦

慶勳

觀察往主越權曾駐軍城西屢有

文酒之會及余自婺州歸觀察已攝守睦州不

數月且歸道山矣秋日重過其地泫然有作

依依官柳渾不似胡牀吹笛時候江邊故壘寒花無主

夕陽依舊那堪迴首但畫角戍樓遙奏似當日營門笳

鼓紅旆斷霞逗 追念從游處小隊郊坰青山詩酒而

今已矣賸歸來疲驢人瘦蕭瑟秋風是客散孟嘗門後

算西州慟哭千載此還又

揚州慢

水郭西邊河橋東畔向來歌舞樓臺為蠡城最

盛處今皆鞠為茂草矣偶尋舊徑愴然成詞

笙玉排雲歌珠溜月東風十里桃花記春衫帶酒是花

底人家自軍鼓江南動後燈樓釵館都付啼鴉賸青青

芳草烟痕猶似簾紗 麗華散盡盡飄零鬢霧衫霞便

紅豆深情青梅舊約休問琵琶我亦傷春杜牧歡場夢

易觸天涯悵夕陽無語高城催起悲笳

憶秦娥

戊辰二月二十夕夢出游得詞醒僅憶前後結

語因仿佛夢中景狀足成之



東風作春寒料峭春陰薄春陰薄酒旂微雨杏花城郭  
高樓午夢鶯啼覺垂垂一帶紅文幕紅文幕依稀聽  
得幾聲釵索

蝶戀花

夜雨

已是春歸留不住起了東風又下淒涼雨一點涼燈紅  
不語瀟瀟只怨芭蕉絮長記江南曾聽處楊柳樓頭  
題徧消魂句枕冷香殘眠未許曉鶯啼過簾櫳去

翦湘雲

富春舟中作

沙柳烟欹灘蘆雪卷儘颯颯東風吹得人遠如此江山  
圖畫裏不信離愁猶縮問眠鷗斜日幾歸船趁蓴鄉涼  
淺笑我行李匆匆病懷黯黯也欲擘詩牋無奈吟倦  
一葉浪花翔舞處禁得青衫秋軟怪天邊新雁又飛來  
只聲聲淒斷

貂裘換酒

序曰蕭然客懷悲哉秋氣無念流序追思盛年  
五花選騎千金裝劍恣劉毅之博呼輒成盧逐  
景宗之豐鼻常出火時而聚花列坐飛觴屬客  
擡袖過鼓倒籬謳詩阮飲呼豬夫狂罵坐茗芋



拍張側目天地其或聆箏堂之秋拍蕢旂亭之  
春酒紅衫發響羣伎輟聲黃河畫壁殊麗流唱  
鱗襲結侶蟬連邀歡銖愁黍慮不挂睂宇然乃  
黃金易盡青春不再羅囊一炬有悟太傅之譏  
鐵障十重甚慚眞長之誚遂乃湔祓夙染敦理  
秀業執博士之經逐胄子之隊十年下帷五次  
勒帛蠹鑽不出猿窮斯啼加以稷歲頻仍劇寇  
告亂西枝茅舍琴書都非南山豆苗遷徙莫種  
貧瘁困阨忽忽中年謝公絲竹之感欲寫未能  
向平婚嫁之累催人更迫頭顱如許意氣全消

回首前塵歛若夢影今者一官如寄百事輸人  
徒餐安邑之肝獨語寒山之石況乎寂歷羈棲  
沈寥天宇風瀏瀏兮催冷葉撼撼以嘯愁青山  
亂疊何處鄉關白雲孤飛有懷親舍萬端交集  
五夜成吟虎落關門安覓紅兒之笛龍泉知我  
卽當王郎之歌

鹿鹿嗙餘子憶當時少年狂態目窮天地袴褶黃皮騎  
駿馬橫槊呼人而擬有辟易千夫意氣叱取牛心還痛  
飲踞胡牀笑掣吳鈎睨身世事幾曾計 青春轉瞬中  
年矣怎匆匆狗屠散盡馬曹輕試書劍天涯仍溲落羸



得鬢絲如此總只爲飢寒驅使竟欲短衣看射虎向藍田鎮逐將軍李挹雙袖浩歌起

一笑推書起笑年年身如脈望真成失計熟讀離騷能飲酒名士如斯而已更說甚文章才地不見子昂詩百軸動長安待擊胡琴碎人間事總如戲歡場當日身曾厠偏新詞玉鷺屏上畫鸞扇裏十載揚州狂杜牧那識清愁滋味怎又被儒冠牽繫多少五陵裘馬客問幾人曾用毛錐子腐儒耳劇堪耻

孤館涼如水起舞向荒雞黑月仰天而視世上錢神工作橫去吾輩只堪如此拚日飲叵何而已散帶科頭人

詎識是杜陵蕭育眞男子何處話此生志登高放眼

窮千里算何限秋風箝吹青山車騎舊日酒徒都不賤

鶴唳神仙意氣只遺我冷曹身寄但得城南田二頃便

箸書終老林泉裏誰更作出門計

歷盡窮愁味累慈親清貧苦耐十年過矣襪被天涯吾

敢怨爭奈謀生非易無分向金門索米漫說毛生今捧

檄者微官薄俸休提起總一例冷如水蕭蕭黃葉森

秋氣望家山亂峰缺處暮雲堆裏想得白頭燈下坐商

略艱難家計又苦憶西風行李藥省蘭臺都不願願板

輿長向花前戲天許否此衷意



減蘭

鏡湖詞畲朱調梅元鼎學博

鏡湖春色簞水揉藍山影碧水面樓臺樓外桃花處處  
開亂鶯芳草數徧踏青鞵印小紫笛紅絃楊柳陰中  
看畫船

鏡湖長夏高閣臨風簾影亞小雨初收綠樹陰濃翠欲  
流迴塘繚繞少婦揀茶歸去早水鳥偏馴雙宿荷邊  
不避人

鏡湖秋好鴈影涵波風裊裊禿柳橋西幾處青山卓酒  
旂閒尋僧院蓼岸蘆灣吟欲徧鐘磬聲催一艇黃花

送客回

鏡湖冬日臨水人家新釀碧收了魚租野局家家約酒  
徒黃蘆古岸鷺屨同雲連水面簫笠風前微雪梅花  
出郭船

探春慢

西鄰梅花如十七八女郎登牆窺人一宵甚雨  
芳姿減矣

粉簇鴛鈿香團蝶翅漸覺絮雲烘暖翠鳥嬌啼玉龍低  
奏猶記舊家庭院甚亂山孤館也一面牆頭窺見昨宵  
雨太無情瓊姿瘦了一半可是不勝清怨對寂莫聞



階酒闌人散斜月濛濛輕煙裊裊莫問含章春苑伴楞  
嚴燈火悄無語縞衣淺澹只怕朝來東風吹落如霰

大江東去

夜聞灘聲甚壯襟以疾風橫雨窗戶岌岌疑身  
駕海濤矣

聲來何處似雷霆千百與龍鏖戰踏浪馮夷搥大鼓激  
得黃河倒卷萬馬秋騰六軍夜擊猛勢排天漢靈胥怒  
發素旂飛越遙嶽正是漏永虛堂天陰月黑簾罅寒  
如箭側耳擁襟還兀坐青綬豆燈涼顛虎吼狂風鰲掀  
惡雨更訝乾坤變錯疑海上驚濤來濺人面

邁陂塘

寓廬種鳳仙畝許四月花已盛牆角紫薇一樹  
亦怒放豈深山氣候自殊耶詞以賞之

愛吾廬熟梅雨過涼莎一片雲淨玲瓏金鳳開徧早徧  
了幾弓吟徑斜還整又串串珠霞碧玉枝相映午眠乍  
醒儘紫閃屏腰紅拖琴尾人在萬花頂闌干迴剛是  
綠槐陰靜峭風吹出秋靚綃衣綽約飛瓊隊著個仙郎  
清影誰乘興只蝶往蜂來狂得踪無定斜陽未暝怕炙  
損嬌姿玉壺待噴銀綆汲涼井

慶清朝



秋日過秋伊水石庄晚至東皋宿漚水堂與幼

眉夜話

高竹梢樓密菱繞屋敲門驚起幽禽維摩小病藥船聲  
在花陰愛倚隱囊跌坐木樨禪榻晝悄悄疏簾裊一房  
秋影澹入屏心 放塵夕陽欲墮更蘆邊蓼外取次幽  
尋吟窗小啟棋韻飛落烟濤約得閒鷗伴侶一燈涼雨  
話更深虛堂靜西風江戍遙鼓沈沈

金縷曲

席上遇歌者陳郎

莫話霓裳舞嘆匆匆幾番離合便成遲暮最憶江村同

避地坐盡一燈風雨聽怒角吼聲如虎勞燕東西渾不  
定更相逢兩度芙蓉渡從此別雁魚阻 者番花月良  
宵午倚瓊枝依稀猶認年時風度憐我一官仍落魄愁  
絕青袍聽鼓只添得鬢絲無數玉貌何哉今亦老問當  
場可有鶯鶯妬疇昔感共君訴

虞美人

西冷小寓單影寡歡宵角呼愁秋燈炙夢倚聲

自遣安得雙鬢唱也

匡牀睡起吟衫縐燈小紅于豆海棠陰裏絮秋蟲報道  
夜涼江館又西風 麗譙角語雲邊裊漏永人聲悄瀟



生月詞 卷三  
瀟一陣雨初收早見半痕斜月上簾鈎

如此江山

登吳山大觀臺

碧天雨過纖雲掃西風引人清興綠玉閒攜白籬倒著  
來看江城烟景登臨還省有細棧苔肥古臺石冷放眼  
遙空夕陽一鴈寫紅影橫柯容我小凭怕松根龍子  
兩兩驚醒紫彩峰巒金銀宮闕身在碧芙蓉頂魚鱗萬  
井映拍岸波光函開涼鏡何處譙門角聲墮秋暝

浪淘沙

紅橋感舊

楊柳短長條風雨蕭蕭別時花片點春潮容易江天秋  
葉影飛上蘭橈何處玉人簫夢也迢迢含情纔過第  
三橋還見澹紅樓一角斜倚林梢

摸魚兒

秋夜由東皋至北郭涼波貼月輕颺曳烟景狀  
清絕因得一解

渺湖烟水香十里蘋花蘋葉無數流雲剛吐彎彎月照  
見一條花路輕移艣聽菱泝蘆碕不盡涼蛩訴孤亭荒  
戍問何處僧歸半肩經擔柳下等秋渡宵欲午黃葉  
前村寺古蒲牢幾杵飛度誰家臨水柴門小門外搗衣



聲苦風如縷又嚙嚙吹來燈影紅樓語波明欲素儘露  
氣侵人酒醒衫薄準擬采芳杜

望江南

娛園禱詠秋伊索和

梅花屋小檻點蒼苔吹笛未須紅袖倚卷簾剛喜翠禽  
歸詩句暗香催

右疏香林屋

幽居靜徑轉竹籬邊小屋當花門似月曲闌臨水柳如  
烟人對鷺鷥眠

右潭水山房

荷陰裏疑坐陸家船疏竹秀于詞客句高花紅過酒人  
肩此處最如仙

右藕船

書堂邃深柳鎖雲隈香鼎翠縈麋綠几花廊春護牡丹  
臺開徑幾人來

右還讀書堂

松龕窄窗外綠雲多夜雨菰蒲吟石帚秋風環佩伴維  
摩一榻自婆娑

右蓮北詩龕

樓如畫一角俯溪灣竹裏琴聲涼月檻花梢簾影夕陽



山人共白雲閒

右微雲樓

一醉自忘憂

林翁守節松筠老

空山寂寞無人來

空山寂寞無人來

空山寂寞無人來

空山寂寞無人來

空山寂寞無人來

空山寂寞無人來

笙月詞卷之四

山陰王詒壽眉叔

阮郎歸

弄風嫩柳翠絲柔  
一番酥雨收  
春波綠到柳西樓  
有人樓上愁  
凝眼望思悠悠  
夕陽何處舟銷魂  
不及水中鷗  
雙飛古渡頭

壺中天慢

八月十六夜彥清置酒虎林旅邸招同人飲並呼雛伶侑觴索譜是解

曲瓊高卷早林梢湧出一輪冰鏡  
小院涼花嬌欲語寫



入畫屏燈影大好良宵如斯佳會更喜閒街靜吳羅翦  
髮玉笋彈得秋醒 正是桂子飛香羣仙試羽舞大羅  
天迥醉裏不須催半臂玉宇本來清冷綺舌調鶯繡牙  
拍蝶城鼓休頻聽綠衫小史麝塵添上金鼎

解語花

虎林旅次有贈

初三月子開簾剛見一彎眉淺脈脈新愁憑仗西風吹  
散芙蓉燈影衫痕瘦掩映燈前人面儘貪他笑語拚教  
閒了行行箏雁 問年華三五明曠青髻羞殺尋常鶯  
燕隔屋簫聲應是不勝清怨尊前漫觸飄零恨我亦天

涯蓬轉算人生有幾江樓此夕花深香輦

念奴嬌

題譚仲脩

廷獻

復堂詞

瑤笙檀板一聲聲拍得萬花齊笑又作九天鸞鳳響愁  
殺蘇門清嘯如此江山多情烟柳都入新吟稿十年湖  
海問君有幾同調 我是斫地王郎吳雲越樹恨不相  
逢早畫舫明湖腰玉笛與約酒尊同倒鷗鷺秋眠魚龍  
夜偃蹋臂天風峭振衣高唱通仙飛下瓊島

金縷曲

西泠客舍遇會稽馬虞颺

傳庚

虞颺與余同歲



補博士弟子南北奔走不見二十年矣剪燭夜  
窗其傷老大感成此解卽送其赴大梁

雙鬢絲如許認當時烏巾白袷翩翩俊侶幾度南船兼  
北馬已是廿年羈旅應聽盡天涯風雨難得相逢明月  
夜正蕭蕭落木寒鴉語是客舍倚裝處江峰同詠湘  
靈句還記否繡旂簫鼓花邊來去鮎竹功名成底用趨  
得青春遲暮更休問庾郎詞賦纔向西窗重翦燭怎匆  
匆又指梁園路問何日話心素

渡江雲

晚自西陵歸江風催雨寒波瑟然槩枝帆葉行

烟墨空濛中光景殊絕

波痕含雨氣碎鷗零雁幾點暮烟中山容渾不辨但聽  
鐘聲飛出柏林東老顛畫意漸江天一片溟濛孤艇小  
白頭浪起愁趁滿帆風陰濃殘蘆城郭禿樹樓臺處  
處寒雲擁想此際深屏煖幙早上燈紅平橋過了柴門  
近恰瀟瀟珠顆敲蓬蓬窗外一雙驚起鳧翁

一萼紅

正月十五日放棹江行晴雪欲消春冰乍解小  
艤陶里畫橋夕陽出雲高與樹等漁舸叢岸挈  
鱗行沽江鄉風味正復可念聞西庄燈市頗盛



歸途迂棹往觀笙歌花月極靡麗之致雲水光  
中綺羅叢裏一日乃兼歷之因記之以詞

乍陰晴放琉璃小舫跋脚溯江程雪外山青風前樹綠  
眠波幾處橋平漸消盡輕烟漠漠愛斜陽村落倚雲坪  
茅舍人家梅花魚市鷗鷺相迎小艤長年催發道水  
西歌吹占斷江城壁月樓臺春星燈火恰見舞袖輕盈  
更多少衣雲酒霧水蘭舟銀燭按秦箏莫問黃雞唱未  
纔近三更

虞美人

仲脩自都門寄示井福軒不寐有懷二解纏綿

婉篤讀之銷魂孤旅傷春綺懷悵觸倚聲和之  
亦各寄所感耳

絲楊深鎖鶯聲細門巷悵悵地東風何處柘枝船只有  
玉簫聲咽晚涼天銷魂又是黃昏也燈影鑪薰惹綠  
陰簾外雨如潮可奈夢魂飛不到紅橋  
冰窗開了還重閉影事從頭記春山幾朵冶于花依約  
綠楊西畔那人家銀籠欲覓鸚哥語前度花誰主海  
棠瘦得不禁紅愁殺夜來猛雨曉來風

賣花聲

題梅花帳額



清絕不知寒別樣嬋娟依稀綺夢憶當年綺袂銷魂人  
去後斜月如烟瘦影最生憐相伴逋仙銀燈紙帳夜  
綿綿莫遣枝頭啼翠羽喚醒春眠

菩薩蠻

羅幃午夢鶯呼起起來還是慊慊地夢好更難尋天涯  
芳草深博山烟斷續簾外春陰綠風動小銀鈎楊花  
飛上樓

摸魚子

綠陰

綠濛濛乳鳩聲裏輕陰一片香淨番番花信都吹過消

息石榴誰問麝蕪徑又煙外斜陽作意催春暝眠鶯喚  
醒只脩笛人家小樓如畫約略澹紅影還迴省猶記  
房櫳人靜江南暗雨曾聽簾波卷起涼如水飛上夾羅  
衫倩重呼茗正銀葉鑪添篆裊閒庭迴一春酒病悵遮  
斷天涯年年芳草依舊碧雲冷

陌上花

銀鸚語澀被伊誤了幾番芳信纔趁斜陽步到曲闌紅  
盡玉甌花下冰窗小只隔一層紗暈正麝歛香裏晚妝  
初試畫蘭宮鬢把鴛文小合殷勤偷付多少盟脂證  
粉爲報天涯早又杜鵑啼緊重來倘遂三生約須記杜



郎疏俊便相逢已是綠成陰後此心雙印

浣溪紗

舟過東皋得盆花數種載月夜歸

閣閣溪田噪晚蛙  
疏疏江柳帶棲雅  
柳邊燈影正撈鰕  
十里軟風肩子月  
半船香雪女郎花  
夜船吹笛返山家

鎖窗寒

愁雨洗春晚寒猶峭譜此自遣

暗綠房櫳朝來不定  
寒輕寒淺羅衣未贖  
差喜薄棉堪戀  
儘飄零桐花半庭  
風風雨雨成秋苑  
算浴蠶過後花

邊輒語更無鶯燕  
難遣黃昏院只屏  
暈簾聲銅荷紅  
顫玉釵卸了空記  
倚奩人倦最銷魂  
衾涼枕涼夢回紙  
帳溫香欠聽芭蕉  
猶是瀟瀟譜作清  
商怨

洞仙歌

題復堂羣芳小集序曰無雙妙品人疑玉樹之  
花第一情天春滿金臺之柳紅榆貼地串串珠  
歌藍靶當筵娥娥粉笑固已詠仙童於嶺上無  
煩誇趙女於樓頭矣加以生小聰明心原藕比  
隨身宛轉骨是花栽銀鸚之綺舌偏調翠鳳之  
香牋解答綠蠻窄袖三年藏豆蔻之詞碧暈纖



眉隔坐送芙蓉之語愛風流之小史旬婉變之  
宜人則有鳳城仙客燕市寓公來從西子之湖  
解作東風之主於是分曹貰酒排日邀歡烏巾  
屢側人來柘枝之臺金絡頻嘶馬識櫻桃之巷  
梅花笛裏紅豆含情蓮子杯前黃河賭唱朝呼  
鶯而夕呼燕卿憐我而我憐卿厥有記事之篇  
遂續燕蘭之譜麝飛寶墨題徧春風玉界烏絲  
鐫來小字瑤館之丰姿如畫瓊葩之品藻都眞  
是可謂花月平章亦參孤筆芳蘭聲價倍長龍  
門者矣僕也乾螢自守縮馬不前自藝戒香已

斷摩登之夢何來綺障別生兜率之天對么鳳  
於卷中念靈狸於花底珊瑚欲出絮絮安禁三  
疊紅牙不是鶯啼之序幾時青眼來尋蝶路之

春

櫻桃窗下展瑤編一讀菽菽飛紅滿吟屋儘如花年紀  
似燕身材都寫入小字烏闌詩幅 鳳城楊柳暗鈿約  
釵期懶聽春風杜鵑曲嬌月照幽坊簾影燈痕想吹罷  
一雙笙玉把綺瘦羅肥細評量問脩到梅花幾生香福  
春寒料峭是落英時候客裏閒情鎮拖逗奈花邊金犢  
柳下銀驄早又是惜別啼痕盈袖 臨岐珍重話如此



銷魂愁病書生怎禁受無處覓平原買得香絲算只有  
粉郎堪繡又手擘檀牋賦新詩似畫出玲瓏東風紅豆  
翩翩驚蝶正江南烟柳依約箏堂羽衣奏記銀羅索扇  
紅燭題詩曾悄語六曲乳鶯屏後鬢絲今老矣綺夢  
依依撩破禪心十年久把卷更沈吟才調如君想姓氏  
尙提香口且細壓鈿簫爲君歌須識我三生紅衫曇首  
賣花聲

題任邱校書寄所知詞後

香瘦髻雅欹帶眼頻移別來心事落花知指玉掄殘全  
不準過了鶯期無賴病愁欺藥店龍飛翠箱摺損縷

金衣一紙相思千點淚殘夢依依

沁園春

題任渭長

熊醉鍾葵圖同女壻胡梅臣 元鼎

爲問先生斗酒何人相邀醉鄉想遮須嫁妹筵分綺鳳  
終南較獵血飲黃鸞鬼眼腥堆支頭紅閃銀燭模糊對  
劍光頽然也儘華胥一覺那待蒲觴笑他袍笏郎當  
似吏部當年卧玉缸幸柳船風駛窮魔早送花村日麗  
路鬼潛藏有漏稱仙垂眉學佛任汝逍遙好夢長新芻  
熟把烏紗破帽漉酒何妨

金縷曲

金縷曲

卷四

八



關秋芙

瑛

錢唐蔣霽卿

坦

室也工倚聲嘗偕藹

卿游湖山問一船書畫簾影衣香如神仙中人  
余嘗一再遇之藹卿以所著息影廬詩及秋芙  
夢影詞見貽既而羽警日迫藹卿孤身羈越中  
落魄蕉萃人亦無援之者千里淪胥音耗遂杳  
亂後訪之則夫婦俱死矣兩集皆失之聞其板  
亦付劫火偶於仲脩齋頭見夢影詞輒假歸重  
讀一過不禁慨然爲題二解

烟瘦蘋衫熨記閒攜城東一棹峭涼時節秋水荷花橫  
塘路花裏畫船如月聽一縷冰絃清越認是明湖疎俊

客載娉婷不是閒桃葉神仙侶未華髮相逢我亦鷗  
盟結倩樵青竹根吹火同傾香雪髻霧衣雲湘簾影依  
約玉牋親疊料敲得新聲纔帖恰對遙峰眉暈澹展顰  
痕也羨雙飛翼此身世嶠壺埒

無奈飄零苦悵重逢翩翩風貌已非前度一自江關烽  
烟起兩載軍聲如虎便寂莫庚郎詞賦幾度逢人頻問  
訊道烏巾紅袖俱黃土無處覓亂山墓銀燈雙影良  
宵午怪秋風霎時吹作花淒月楚碧玉香詞朱樓夢一  
例劫灰分付又誰料殘牋猶護惆悵夕陽桃片畔卷湘  
簾重展烏絲譜當日事感而訴



琵琶仙

秋日偕仲脩張子虞頂潘儀父鴻王玉唐維翰  
晚出湧金門斜陽欲墮游人散矣小步隄上遂  
成是解

殘照平蕪弄涼色渡口一株官柳愁絕天賦蛾眉秋來  
總消瘦問往日斑駁何處只幾點晚雅拖逗十里蘋香  
西風乍起湖水吹縐聽誰慣碎笛零歌記花影銀笙  
那時候欲把一襟羈思付湖亭樽酒怕上了重城魚鑰  
早鳴鳴戍角遙奏惆悵花外高樓燈紅如豆  
高陽臺

蜻蛚子亦蟋蟀類而狀絕細其聲幽遠可聽武  
林貨郎製玻璃為小鏡箱蓄其中為閨閣清玩

戲詠一解

月洞冰緘雲窩雪護香雨巧製玲瓏悄影憐伊愁心印  
到芙蓉玉臺一寸藏嬌屋肯容他銀麝塵封掩疎籠妬  
殺絲孃黃竹西風亦有編竹作小籠蓄絲絲孃者聲聲譜出清商曲  
正籥衣鎖碧燭暈凝紅小屣玻璃是誰觸響釵蟲偎香  
還伴雙文枕裊涼簫淺夢惺忪卻愁儂照見殘宵粉褪  
花慵

鵲踏枝翻



借施均父

補華

夜過方谷園有懷董仁甫

慎言

柳影閒街笛波飛起是誰調按龜茲徹曾記涼蟀聲中  
步屣相尋老屋疏燈漏黃葉茂陵人病已經年藥爐小  
火香初發 今日重過黃爐淒咽疎林依舊涼烟織猶  
認故人無恙蒼苔仄徑來蹴花如雪西風門巷夜烏啼  
秋陰掩了濛濛月

鬲溪梅令

為玉唐題梅花仕女

綠鋪如水掩疏寮漏迢迢長記玉梅花底玉人簫暗香  
和麝飄 畫中人近夢中遙一般嬌依約舊時明月在

花梢峭寒雙翠翹

望湘人

歲云暮矣風雪阻歸單影空樓凍鴉對語譜此

東朱慕庵

文炳

怪多情風雪作去盡清寒峭帆生被畱住寂寂高樓孤  
吟無緒挨過黃昏幾度簾底瑤花燈前玉樹墜歡難補  
怕夢魂飛徧樓臺迷卻調笙庭戶 我是年年羈旅早  
孤眠慣了歸期任誤只綠萼枝邊遮斷么禽來路金尊  
密約翠牋芳訊愁絕冷雲凍沍悄無語一片江城隱隱  
幾通更鼓



珍珠簾

借仲修飲娛園遲瑤卿不至

綠波影裏閒庭宇約詞仙來共評琴商句占得好簾櫳  
在梅花多處松淥一壺香四坐更不辨是誰賓主休去  
便醉倒金尊倩花扶住如此俊賞佳辰稱畫屏題罷  
清歌分付日暮碧天雲悵玉簫聲阻一曲春江清淺水  
問可有青禽飛度休誤待娟月幽坊墜歡重補

前調

贈瑤卿

綠梅粉月深深院盼青禽還記闌干憑徧不分驀相逢

正黃昏寒淺紅豆燈前人似玉論標格謝家曾見風顫  
怕尙怯簾聲薄羅香倩恰稱促坐分茶忍將伊一例  
較鶯量燕天賦與瓊姿惜風塵飄轉算我青衫仍落魄  
也同是一般悽斷春倦任吹笛樓臺楊花撩亂

蝶戀花

水香庵餞春同仲修作

禪閣茶香烟縷縷一陣東風一陣桃花雨芳草簾前深  
幾許碧痕都向睂峰聚燕子歸來天又暮有約尋春  
無計畱春住惆悵斜陽鈿笛語畫屏幾點天涯樹







王子獻孝廉 繼香 鑑湖醉月圖

畫船吹簃趁良宵搖過平橋楊柳七百年來人闌宋重  
繼南湖詩酒鸞影籠衫蘋香吹鬢湖水微風皺清光如  
雪老蟾飛下銅斗 遙想皓露無聲沙禽時格磔相伴  
吟瘦玉宇瓊樓天萬里可有仙人招手醉舞翩躚浩歌  
激蕩欲和霓裳奏他年秋汎錦袍後約休負

浪淘沙

水香庵

碧水翦明霞酒暈些些疏鐘聲裏燕歸家不信春風催  
夢破春又天涯 樓外暮煙遮幾處城笳輕寒側側透

簾紗早是一痕眉子月吹上桃筍

望海潮

潘東湖師 玉潛 觀潮圖

雲連吳越山分龕赭大江日夜東流怪鰐奔騰神鼉怒  
吼狂風倒捲滄洲何處著閒漚儘冰筍影裏一晌凝眸  
如此江山可能洗盡古今愁 乘風幾度登樓歎濤聲  
滾滾身世悠悠塵土溷人魚龍笑我長歌斫斷吳鉤蹤  
迹感萍浮願酒尊共把醉向潮頭更逐成連去也一曲

海天秋

如此江山



陳蘭鄰先生歸舫載書圖文孫星邨參軍  
屬題

縹囊萬軸吟臚穩江風正催鄉思雙權蘋渥全家梅鶴  
長物如斯而已先生歸矣道清俸年年買來非易休笑  
官貧輕裝剛抵柳筇細紅鐙官閣校字東陽頭白安  
舊事猶記先生尹會稽得古本最多皆沈氏遺經堂爲之校輯前輩風流祖庭衣  
蓋聞道蘭枝能繼奇書有味想理譜家傳碧芸香裏無  
恙稽山待君重叱騎

瑣窗寒

同廩月樓主依玉田均

亂葉敲愁涼筇倚瘦畫闌慵凭空樓病起寂寞一簾秋  
影傷熏篝吳棉乍添問誰解憶天涯冷只銷魂刀尺西  
風一樣帶圍寬盡煙潤筇邊徑儘落迷筍屐雨淹茶  
鼎征鴻過也不帶玉璫音信說歸期歸又未成碧雲暮  
寒空自等卻憐他鸚母無言雕籠棲正穩

雨霖鈴

銀袞金扇怪伊因恁撇得人遠支頤嬾拂塵鏡生憎不  
是當時嬌面短夢前宵憶一霎錦幄香軟正滿地黃月  
玲瓏淺笑輕鬢杏筇院殘妝羞向堂前見杳難尋舊  
識西飛燕東隣又聞新嫁更同誰較釵評鈿獨抱雲和



欲理香弦無奈清怨只瘦蝶飛上簾鉤尙把人畱戀

翠樓吟

陳黻堂秀才羅浮夢景圖

鬢影朦朧衫痕淺澹相逢月明宵午梅萼開徧也正春  
在更無人處玉簫如縷蕩月魄等魂都成香霧瑤林路  
怪他嘖起綠衣仙羽迴溯袖薄天寒自翠尊夢醒暗  
雲深阻疏櫳銀燭外何許覓綺痕前度畫屏分付只一  
寸橫波似將情訴離懷苦無言紅萼東風誰主

尉遲杯

水西舟中書感依片玉均

橋邊路悵幾日禿盡丹楓樹翦波一舸西風又到長隄  
迴處高樓不見但滿目寒雲暗前浦有沙禽未穩孤眠  
背人煙外飛去因思往日繡華曾多少金驄翠轂相  
聚繡幕沈沈夫容影都化作浪粲翔舞休更問銀簧夜  
月只蕭瑟殘蘆對客語盼何人來共清愁空江還少漚  
侶

探春令

折蠟梅一枝貯以銅餅風致可念

銅餅紙帳劇清寒是藏嬌溪處愛粉黃娟蝶團香翅綴  
上瑤釵膩倩魂漫向江南去被東風畱住小金鈿拈



冷纖纖任畫蠟彈紅淚

菩薩蠻

以下五首題仕女冊子

蓮葉西頭叢蘆映碧了髻女郎蕩舟出其中

玉塘秋淺菰蘆碧蘆中人蕩舟如月船外蕩篔風篔開  
別樣紅 十三了髻小生就聰明早采得並頭枝芳心  
也自知

更漏子

新月一眉梧桐依檻一女郎對燭坐鋪牋於几  
若將構思侍女旁立一手攏鬢一手牽女郎衣  
似呼之者

宵正涼人遠去欲寫鳳牋愁句梧桐月又初三風吹秋  
滿衫 相思味纏絲意那管墮釵聲膩笑小婢忒嬌憨  
呼人掠鬢煙

巫山一段雲

梅林微雪美人素裳猩髻執篔立其下

雪瘦憐香澹篔明愛粉稠玉奴纖手最風流篔底小紅  
兜寒沁銀裙窄嬌含翠黛羞一枝欲贈更無由畱與  
伴清愁

杏園芳

兩女郎采篔盈籃並坐茂林若其語者一小婢



隔樹竊聽

采芻剛趁春晴越羅衫袂風迎相逢姊妹玉娉婷忒多情  
蘭閨密事知心語評量只是輕輕侍兒無賴隔簷聽欠分明

鬢雲鬆令

勺藥叢中美人枕手眠石上一侍女側立視之若呼而未醒者

鬢雲鬆羅帶裏春困朦朧繡局多拋了滿地綠苔人迹少夢倩萼嬌萼外東風小  
蜨情癡罵語悄一片行雲何處尋芳艸無端小婢催人早絮語春寒禁得單衣峭

二郎神

鐙夕感舊

新晴湖市尙依約春鐙初試乍璧月當空雲斂盡笙歌攤兩行珠翠十里芳塵人如織更隊隊驚鴻游戲畫鬢小多應未覺暗落金鈿篸底  
空記如今不見年時羅綺賸隔浦高樓殘燭影飄珠箔水光縈曳可奈東風天又雨問何處參差語細只數盡巖更疊鼓宵寒重城深閉

洞仙歌

春波倚權正湖天濃暖艸色平隄語鶯亂畫橋邊一帶



簾影參差風起也點點楊花飛滿  
雅鬟剛結罷  
房櫳手整瑤釵記相見流水送斜陽芳信沈沈只雙燕  
飛回庭院問油壁香車甚時來早畫角城頭幾聲清怨

減蘭

自題秋舫填詞圖

平湖秋霽一箔玻璃收不起老柳西風點點歸雅落鏡  
中閒吟秀句權轉橫塘前面去漁蓴飛來一路蘋  
雪樣開

柁樓人起潑眼雲光連水氣谿樹秋濃才綴霜華已半  
紅茶煙颺碧自把冰甌  
外滌幾陣風尖秃葉蕭蕭

入短簾

煙隨波去回首清谿樓外樹山影娟娟淺埽眉痕送客

船秋容最好野岸黃英金鈿小一曲粵洲紅蓼香中

宿粉渥

朝朝算算每到秋來長問渡征雁天邊伴我清愁又十

年新詞自寫欠個小紅簾影下獨把瑤笙吹與靈妃

月下聽

徵招

蔣鹿潭春霖水雲樓詞續讀之悽婉欲絕其集

中本事使人言愁欲愁酸鼻微吟遂成此解



星河澹月秋鴻夜鳴洞簫吹起故國又新霜悵羈人  
千里吟豪重料理判付與怨紅顰翠脈脈吳波依依楚  
夢斷魂情味 抱得鈿篋篋蕭孌老青春十年彈指江  
北望江南奈飄零如此湘纍千古恨但一片際天煙水  
西風淚尚未銷磨是玉箋珠字

桂枝香

菱

涼煙馥馥正秋滿畫塘一片凝綠幾日波心落盡素琴  
鈿簇雙雙小角燕支瘦透西風峭香齊蠹翠鬢歸也蘭  
橈繫處兜上裙幅 漫更羨雞頭嫩因愛箇箇堆繁芳

暈初熟可似春鉤嬌樣研綾紅束尊前欲倩吳孌剝怕  
尖尖還刺纖玉水鄉秋好隔谿又聽玲瓏歌曲

望江南

甲戌重九偕勉鉏同客吳興孤篷坐雨觸緒成  
愁因憶往年此日清游俊賞有足紀者

重陽節記得客宣州四坐黃鸞清弋酒一峰落葉敬亭  
秋高詠謝公樓

重陽節客舫過嚴灘獨上西臺看落日疏粲無語照谿  
寒尊酒醉青山

重陽節羈宦浦陽時屋外秋陰山更瘦谿南夜雨蟹初



肥攜酒亂峰西  
重陽節高會憶曹谿古壁青苔縈醉墨白雲黃葉點秋  
衣翹首碧天低  
重陽節穀水記飛觴畫舫銀箏催酒綠玉釵秋鬢壓  
黃低唱小秦王  
重陽節幾度上吳山小話吟禪來茗閣閒尋羽客啟雲  
關人在翠微間  
重陽節結伴上虞峰雲合蒼龍潛古洞日斜青鳥返瑤  
宮長嘯倚西風  
重陽節今日客吳興暮雨人吹煙浦遂夜船風颭柁樓

鐙津鼓聽分明

齊天樂

題孫彥清春絮詞

玉簫聲裏津亭柳東風吹出睂樣流水深情橫塘別夢  
舊事那堪追想青衫無恙問何處金尊韋孃低唱付與  
銷魂江萼隨處滯蘭漿 高樓誰共俊賞有歌絲縷縷  
胸際輕蕩京國芳塵梁園明月一例都成惆悵紅飛翠  
颺只畱得新詞玉羅牋上回首天涯亂山雲莽莽  
長亭怨慢

舟中見飛絮依白石均



又飛徧濛濛亂絮卻傷誰家小簾低戶野水荒雲離情  
脈脈奈何許遂聲吹起渾不隔津頭樹心事問流紅怎  
一例飄零如此日莫想長亭艸色送過馬蹏無數天  
涯渺矣縱欲託柔情誰付但一片如夢東風怕芳影迷  
離無主算解道輕憐還有鬢歌金縷

念奴嬌

杭州城東庾園玉璫瓏石是宋弩石綱物

玉螺寒竦問何時萬里飛來蓬島可是吳剛修月斧琢  
就夫容青峭翠剔苔皴金鐫字瘦歷過興亡早冷煙如  
夢四圍秋葉風埽堪歎弩石名綱年年星使催得朝

廷小卻贖孤峯雲一朵曾有黃標封到泥馬江山銅駝  
宮闕又幾番殘照煙銷艮岳問誰來弔荒艸

一枝春

早梅依艸窗均

一翦東風羅浮路又動揆弩情緒么禽小小喚起綠華  
無語翠釵鈿朵早嬌逗綺窗深處芳意淺偏近瑤臺縮  
得煥雲先聚妝成玉奴眉嫵愛紅幰半卷輕聞香縷  
雕闌笑倚乍試玉龍新譜胡沙春遠料應把漢宮人妒  
還只怕纖萼苞含不禁夜雨

齊天樂



題岑希白荔舫詞遺藁

翠波冷寫秋江，遂悽音半墮荒澗。伴月湘吟，扶筇楚夢，都化煙絲風縷。瑤天碧宇，問歸去通眉玉，蚪何處卻聽雙鬟。酒邊猶唱斷腸句，憐余十年倦旅。采雲偏易散，往日吟侶，故國青山。春風白袷，無奈相逢，遲算烏絲小譜。儘碎恨零愁，絳壇分付涼暈。幢幢雁聲，鐙外度。

綺寮怨

鈿閣鐙孤，愁聽麗譙長短。更倚翠幌，慣忍寒宵。秋蟾影印到中庭，迢迢銀河似夢。紅牆隔，杳了雙玉。笙只素天，幾片羅雲，西風緊，冷墮。悽雁聲，慢憶水程陸程。尋消

問息天涯遠，比瑤京錦字挑成，有多少淚。等縈冰機自憐，辛苦問甚處，寄深情。空房暗驚，獨兒又撼動金雁。箏

蜨戀箏

樓外斜陽紅悄悄，埋怨東風吹綠。長亭艸珍重，一聲人去了，天涯只隔珠簾小。江北江南，等落早幾箇黃昏。禁得春寒峭，鏡裏眉痕，須更歸夢中。萬一人雙笑。細響丁丁，催玉漏，誰把愁痕堆上。雙蛾岫一樣離情，如中酒，不曾知道。新來瘦，倦倚熏篝籠翠裏，待展羅衾。怕解夫容扣，悄對釭，等還坐久，無端又是三更後。

賀新郎



春感

春色渾無主，不分明。如煙如霧，惱人情緒。小院東風，歌筵歇，只有流鶯聲絮。又浪蝶、驕蜂來去。翡翠簾櫳，昏似夢，任楊花亂逐榆錢舞。問芳事，怎如許。重門深掩，櫻桃雨。儘朝朝傷離病酒，流光暗度。玉洞雲迷，青禽杳，縱有相思誰訴。但說與、雕籠鸚鵡。春淺春深，都不管待玲瓏。明月臨窗戶，應識我、舊眉嫵。

齊天樂

寒燈

一痕青逗冰窗小，梅萼正當深處。翠鴨香銷，銀蟾雪墮。

相對那堪，情緒尖風如縷。但纖影、幢幢伴人無語。六曲屏山，夜深冷照半牀絮。空閨更憐幽女，玉鍼渾嬾試。挑盡蘭炬，瘦不成、萼寒還有暈。禁得銷魂如許。遙聲暗度，問人坐長，更誰家機杼。拚得畱他，到雅噓送曙。

前調

寒柝

麗譙催疊，黃昏鼓江鄉。又傳更早，裏裏長街，條條古巷。踏徧層冰，衰艸宵寒，路悄卻驚起。眠厖吹聲如豹，短燭籠鐙一星，移過畫橋小。高樓有人，睡覺攤衾，還側耳無柰，愁抱叫月音孤。尋雲夢破，已是三更，過了簾風料。



峭更相和商鐘枕邊飛繞數盡寒籌一聲聲到曉

高陽臺

許邁孫增 娛園落成極水竹之勝秋來菽菊六百本透其品之上者陳於座隅置八尺玻璃屏轉側相映金粉晃漾奇觀也

粉疊樓臺金鋪世界好春無此清妍嵌就玻璃屏風窈窕雲連迷離不辨秋多少一層層月地粲天晚來寒料峭西風莫卷珠簾金尊大好良宵共稱幾行畫蠟紅淚珠圓小院沈沈任他冷偏霜檐鏡中人覓粲中句倩玲瓏譜出冰弦羨詞仙綺夢圍香淺醉閒眠

憶舊游

又重城疊鼓水閣橫鏡如此清宵試認攜尊處但鬧粲一片綠過塘坳吟窗碧紗都掩人隔玉河遙早過了黃昏無言粉月曬到粲粲魂銷漫重省聽一曲伊涼按斷冰簫覺得更深也漸水風卷葉吹作去蕭騷便有絲兒秋意涼味透輕綃乍驚醒鷓鴣漁榔響起粲外橋

減蘭

不寐

酒醒鏡暗一桁冰簾猶自卷幾點秋星遙聽銀河雁度聲迴廊小步瑟瑟微寒宵欲午粲影參差正是中庭



月滿時

齊天樂

李黼堂中丞 桓 孤山訪梅圖

峭峰微雪疏林外尋香展來幽步徑小藏雲亭孤倚石  
報道梅萼無數逋仙何處問如此瑤姿是誰為主多謝  
東風吹來一遂伴粵語 翩翩翠禽低舞料他來往慣  
海上瓊嶼玉洞塞芝丹厓刻蘚應認風標前度先生曾游天台  
雁蕩落枝選取便催得吟仙抱香歸去竹外平橋鏡波  
還點絮

金縷曲

往歲與仲修松谿藍洲子虞諸子同客戴園極  
一時文燕之樂自諸子服官四方闕寂久矣今  
年子虞自都門歸聚首未久又有鄂中之行知  
已各天鬢絲如此哀樂之感往來於中譜此索  
子虞和兼懷仲修諸子

數盡江城鼓記良朋聯牀共語高樓月午話到生平悲  
歌起拔劍翩翩而舞便肝膽也堪傾吐轉瞬天風吹客  
散向金臺齊騁麒麟步山共水自茲阻 繡帆官舫湘  
江路乍相逢愔愔又是送君南浦鈴閣笙歌開筵處卻  
稱樊川風度只老我飄零如故坐盡深宵孤燭影聽江

笙月詞

卷五

七



潮東下聲如虎身世感向誰訴

高陽臺

和邁孫意雲詞

吹鬢風纖窺簾月細依依都到愁邊秋心何處新鴻又  
度遙天香階一自人行後杳難尋墮翠零鈿最堪憐幾  
朵秋英不語含煙 夢中欲覓相思路怕天涯艸色極  
目緜緜爲道清狂而今不似當年冰奩牘有菱華影照  
韋郎華髮新添伴無眠一點燈涼一片螢寒

笙月詞卷五終

笙月詞一卷



卷一

同治壬申十月  
杭州開雕

入時色高樓山寒寫怨一池春水風皺千卿言情之  
詎泥迹象刻畫脂黛為下駟矣僕遂裏尋聲花間仿  
尋吟所寄豔製遂多然而銀濛迢遞盡步虛中聲金樓  
縹緲葳藏香中迹雖寄情乎酥粉乃幻墨作雲煙別錄  
一編自珍敝帚泥犁可畏安謙恣秀之呵綺語勿刪聊  
償東澤之債同治壬申夏日山陰王詒壽自序

花影詞



花影詞  
山陰王詒壽眉子  
翠眉顰紅頰淚獨自倦和衣睡金蝶帳玉螺屏枕涼秋  
夢醒燈無語蟲聲絮過了一番疏雨風暗度月斜輝  
玉河新雁飛  
戀繡衾  
杏花微雨壓畫檐碧瓊瓏花底小簾盼雙蝶瑤階影正  
扶簾人露玉纖淺紅衫子迴鸞袖更香棉半臂翠添  
揜又誤嬉春約怕蒼苔滑了鳳尖

花影詞

山陰王詒壽眉子

更漏子

翠眉顰紅頰淚獨自倦和衣睡金蝶帳玉螺屏枕涼秋  
夢醒燈無語蟲聲絮過了一番疏雨風暗度月斜輝  
玉河新雁飛

戀繡衾

杏花微雨壓畫檐碧瓊瓏花底小簾盼雙蝶瑤階影正  
扶簾人露玉纖淺紅衫子迴鸞袖更香棉半臂翠添  
揜又誤嬉春約怕蒼苔滑了鳳尖



菩薩蠻

落紅庭院春如水綠窗自繡金訶子一點唾絨香惹他  
胡蝶忙 拈來新繡稿粉本西湖好楊柳短長隄玉驄  
何處嘶

虞美人

去年金絡門前繫芳草和烟膩茶蘼花下送君時說道  
明年花發是歸期 東風依舊花如雪只是歸音寂天  
涯應也動離情後夜驛橋殘月杜鵑聲

玉胡蝶

無言重啟幰紗牆角月些些何處滯羊車紅燈帽影斜

烟銷心字篆香墜膽餅花多分不還家麗譙三鼓擲

菩薩蠻

鷓鴣小硯研螺子娟筠解仿靈飛字鳳紙界烏絲閒書  
碧玉詞 綠窗寒悄悄誰共蘭闥笑花影上銀羅畫屏  
雙粉娥

前調

瓊瓏畫板絲楊下一春閒卻秋千架不為隔牆人生防  
阿母嗔 羅裙還懶繡鏡匣翻鈿斗小朵簇丁香釵頭  
金鳳皇

清商怨



好箇惜惜小院但落紅堆滿喚徹黃鶯翠幰渾不卷  
多應錦衾尙戀便一任幰外春深淺亂絮天涯東風吹  
寢遠

減字木蘭花

長干如畫一帶絲楊新綠亞幰影家家細雨輕寒瘦杏  
花 弟三橋側不見折花人獨立竹馬青梅還憶年時  
幾度來

唐多令

悄步繞迴廊微風度暗香甚梅花也號鴛鴦多事花梢  
新月色還照我影成雙 迴視帶羅長苔窠小屐涼倚

闌干半晌思量知是何人吹玉簫剛隔得一重牆

浣溪紗

款款輕輕顫玉鈿遮遮掩掩避金鞍亭亭嬈嬈可人憐  
繡徑香塵鴛屐瘦落花微雨鳳城寒不如歸去凭闌  
干

前調

小鬢鸞衫卸翠蟬玉簪纖霧裊沈烟良宵情味鳳檠前  
一幰月痕嬌似粉三更花語細于絃薄寒輕煖暮春  
天

江城梅花引



鏡塵欲拂更遲遲畫雙眉蹙雙眉祇覺近來減盡舊風  
姿剛遣春愁繙繡譜又小婢強呼人說那時那時那  
時費尋思隄上柳綠似絲去也去也等不到滿路花飛  
孤負春陰樓閣翠幰垂便做落紅都化淚也未必逐東  
風上客衣

小重山

長憶皋橋楊柳青斜街初過雨月微明冰窗羅幌峭寒  
生人坐久吹咽玉鶯笙花睡又嗁鶯東風飄斷寢忒  
無情如今已是綠陰成宮扇上畱得畫雲英

瑤華

鴉兒翠譙鳳尾輕羅鎮花閒閒戲娉娉孌孌想乍過堂  
上簸錢年紀垂枝無賴却兜上芙蓉香髻怕鬢邊墜了  
珠鈿喚取隔幰瓊姊休言妬燕憎鶯只一味嬌憨喜  
孜孜地春愁未解怎又解匿笑見人羞避憐伊小樣是  
生就千般伶俐忍尋常釵黛看承合在掌中懷裏

虞美人

淚花漬粉畱衫袖別夢和香逗別時風絮點春江記得  
顰蛾無語上吳艫定情曾寫鸞牋句畫閣黃昏雨相  
逢蘭燭暈深屏記得羞紅雙頰抱秦箏

法駕導引



蓬萊島蓬萊島消息近何如鳳背春風青玉佩翠鬟仙子紫蘭書容我敬瓊居

長眉綠長眉綠羽扇不教遮一曲瑤笙春寂寂玉綃飛滿碧桃花重與醉流霞

雲深處雲深處縹緲玉爲樓親檢金丹教換骨相逢玉女正梳頭仙蝶上簾鉤

天風起天風起借得紫虬車十萬烟鬟簪玉蕊絳河西畔上元家來乞碧城花

四字令

棋收玉枰燈藏翠屏珠簾下了瓏玲夏金鉤一聲紗

窗月橫花廊葉鳴被池覺道寒生怕鸚哥夜驚

浪淘沙

香髻早羅兜別樣風流吳儂生小住蘭舟新水桃花三十里畫汝嬌柔蕩槳尙含羞路指紅樓鴛鴦飛過渡西頭掠起春波香數點濺了雙鉤

南歌子

黯黯人初別喁喁意更憐最難將息熟梅天囑付夜涼翠被自家添 寢逐山痕遠思隨柳影牽東風早早報平安千萬錦書莫待雁兒傳

雙調望江南



良宵憶最是早秋天金井蟲聲涼欲雨玉紗花影澹于  
烟漏永稱遲眠相對處沈麝鵲鑪添戲結連環翻翠  
綫閒猜謎字賭香鈿頃喜總堪憐

桂殿秋

飛好癡款瑤局銀河天遠罷吹笙白荷花裏珠簾卷秋  
露秋風冷畫屏  
花片墮翠禽驚一絲香氣裊中庭月痕斜過雕闌角暗  
處微聞玉佩聲

綺羅香

粉淚鵲催瑞緘雁誤又是闌珊春事衣桁塵棲閒了縷

金衫子忍拋將綺歲羅年總付與怨紅愁翠對冰簫自  
惜瓊姿綠窗重把晚妝試妝成深院悄悄誰問雲仙  
眉嫵飛瓊名字彙曲闌干一任蘚痕凝紫是生成薄命  
如花拚今後此情隨水甚雙雙蛺蝶飛來鎮依幰額戲

采桑子

微寒院落人初靜澹月朦朧小膽惺忪人在輕烟縹緲  
中香街穿過朱藤架生怕花叢響夏了東卸了釵頭  
雙玉蟲

乍前乍卻嬌無那月爲傳神花爲傳神月魄花魂認未  
真相逢不分雕闌畔碧玉佳人縞袂仙人不是羅浮



虞美人

娟苦小院紅如繡  
花落人消瘦  
落花休道不如人  
曾是東風擡舉一番春  
無心更對妝臺鏡  
簾影扶春病  
星小寢畫廊西  
略識歡娛滋味又鶯囀

祝英臺近

雨霏微花淺澹一寸碎紅積  
多分絲風還透畫窗隙  
怕伊生小嬌痴寒寒煖煖  
渾不解春來將息  
雁魚隔便教雁往魚還  
瑣瑣也難說黯黯情懷  
千里暮雲碧除非  
屢到紅樓香篝翠被博一晌  
輕憐輕惜

風光好

喜相逢怨相逢不分相逢是客中  
恁恁恁 畫堂紅燭  
縈香霧良宵午贏得當筵捧玉甌  
一凝眸

江城子

曲廊盡處小重門  
玉簾縈麝熏  
近黃昏刺桐花上  
睂月只三分  
卻被青鬟窺影過  
和笑問又佯嗔

洞仙歌

海紅幰外早黃昏  
時候新月纖纖  
比人瘦聽依稀  
釵索觸響珊瑚便覺得粉氣脂香拖逗  
相逢無一語  
剗鞞玲嶸猶自佯人顫  
腰柳不是怕嬈醒  
小極心情怕竊聽



本景詩  
七  
銀籠鸚母問一捻身軀弱于花者露怯風驚怎生禁受  
一更人靜悵重門閉了幰內紅燈上來早望朱樓一角  
只隔花陰便抵得人在海天瑤島 茸帷應獨倚卸了  
鸞釵猶怯春寒被池峭花外祝東風憑仗輕輕把今夜  
夢兒吹到更翠羽枝頭莫教唬怕喚醒痴雲斷紅雙笑  
中門月印喜烏龍睡熟一曲吹殘鷓鴣竹向綠楊影裏  
度了迴廊悄步到花底畫檠深屋 倚屏聞歎息瞥見  
檀奴淺笑相迎展蛾綠低問怎生來如此涼宵怕起了  
玉樓寒粟把半臂親攜替郎穿更雪梳分嘗茗旂雙簇  
青青梅子悵春期過矣欲聘雲英總無計認水西門巷

鶯燕全稀但聽得鶡鳩聲聲花底 香車金犢駐宛轉  
嬌嗔銀屐猩痕倩人寄從此玉籤前佯笑偷顰只寶鏡  
知伊心意漫柳外重尋舊妝樓盡掩了文窗冷清清地

蝶戀花

門內顰蛾渾不語門外春陰遮了垂鞭路獨自登樓無  
意緒繡幰幾點黃昏雨 明日玉驄何處住花落江南  
芳草青無數怕見陌頭楊柳樹東風吹起漫天絮

羅敷媚

風兒料峭吹窗鐸燈影零星又是三更一縷春寒沁枕  
屏 思量薄醉尋春寢倒盡銀銚試拂桃笙纔合雙眸



虞美人

黃昏庭院風初住  
愁聽蟲兒語  
柳絲不把去帆牽  
報道朝來風好準開船  
暫時笑語金尊共  
此際須珍重  
明宵新月上簾櫳  
夢裏玉釵人影畫屏中

壬申中秋山陰王丈眉子香其倚聲彙艸屬譚丈仲儀  
刪訂也既刻其笙月詞四卷外尚有粵景詞數十闕皆  
言情也佳藏篋衍中索而讀也淒豔乎其旨宛轉乎其  
聲錦瑟曉癡蝶情自春洞簫散吟花語斯富金荃蘭畹  
公人不遠夫楚江寫怨興言美人河梁贈詩亦託燕婉  
比興所存何云累德因為出校閱舉付梓人古錦所發  
美瑤益珍僕亦工愁願附同調同治癸酉仲夏之月仁  
和朱文炳慕庵







